

2020
CLASS-IX
AO

Total marks: 80

Time: 3 hours

General Instruction:

- i) The question paper consists of 22 main questions.
- ii) Internal choice has been provided in some questions.
- iii) Marks allocated to every question are indicated against it.

N.B: Check that all pages of the question paper is complete as indicated on the top left Side.

SHILEM – A (Rajem Latang)

1. Teküboklen agüja alibaji junga züngang aser tasüngdangbatemji langzüang:

Arju ya yim ka koda tain iba amaji tain lir. Kechiyong kodang yimsen ka kümdir yimer ki sümar külenbo yimteni Arju tamasa yanglu. Arjuji yimkong lenmang lenjem nung yanglu. Kechiaser tsükchir mela mela aridoktsü aser yakta arü sangtetsü atema yim lenjem nung yanglu. Arju nung tebur chanu ajak mejang. Saka idakji mejangtsü asoshi zünga zük tarensen züngzüka Arju aniok. Lungtrok nungi jungliyimti lima mesemteta yim kümer külen Jungliyimti nunger asangur anidena yipdaksütsü asoshi tamasa kin ajak asoshi Arju ka yanglu. Iba dangji senden riju aja. Iba nungji tamasabo kin kecha mebandangi kin ajak nungi asangur anidena külemi ayip.

Jungliyimti lima mesemteta yur nütsüng züina aküm tashi nung kin shia Arju kaka yanglu. Ajenriju, Chibangriju, Mongsenriju, Nüngdangriju, Pemyuriju, Lemturiju yanglua kin balala ayip.

Arju ya Jungli, Mongsen, Changki aser tanga kina lotha, Rengma, khiamungan, Chang, Sangtem, Phom aser Konyak kin ajak nung Arju ya kanga nüngtugu aser tongtibang liasü. Sumi kinbo Arju tanga kin ama masü. Saka alu nung achi mesünglir yimdak tambusang par kima Arju tila ka yanglu aser iba jagi aren temoatsü meshia külem.

Yimtsüng shia kong Arju yanglu iba anasaji süngkong ayu. Kechiyong lendong mapang nung yakta arü asangtsü asoshi anasatapa yanglu. Iba amaji yimdaki tsükchir arudang Arju nungeri süngkong ola tulu adoka ajenba angashia kong lidir liaka ya lendong ta meteta yim bushia adok. Iba ama lendong osang angashir adokdang lokti tenteter dang yim bushi, kechiaser arrji lenmang nung armena alitsü tsübu.

Tasüngdangba:

- | | |
|---|---|
| (a) Arju ya kada tain? | 1 |
| (b) Arjuji koba anasa yanglu? | 1 |
| (c) Kechi asübai Arju lenjem nung yanglu? | 1 |
| (d) Arju nung shirnoksa mejang? | 1 |
| (e) Jungliyimti nung asangur anidena yipdaksüba dang kechi riju aja? | 1 |
| (f) Jungliyimti lima mesemteter yangluba kin shia arju tenung shiang? | 1 |
| (g) Koba kin Arju tanga kin ama masü? | 1 |

- (h) Yimtsüng shia süngkong kong ayu? 1
- (i) Itemi tetezü agüjang: 1+1=2
 - (i)Lungtrok
 - (ii)Süngkong.

SHILEM – B (Olem)

2. a. **Agüja aliba onük aser arrla amshia ojang 100-150 shi nung shiti zülüang:** 6
Ner medemer shiba shiranga mozü kidang lir, pa/la dangi ajung mesoba shiti ka zülüang.

Mesüra

- b. **Agüja aliba arrla amshia otsü zülüang aser teputep nüngka agüjang:**
Tembar tajung ana kenü aremi ao --- nisung kati süngdongi metuter saka katibo tuteter --
- tena senzüba mapang Pongzü ka ajuru --- süngdongi tutet sang jagi yutsür süngdongi
tuadok --- medemer kaji kechianga meinyak rata tatsü ka ata ali --- pai mejanga sayutsü
ratet --- aser mejanga sayu. Pongzü jagi menemshir oadok.

3. a. **Agüja aliba onük aser arrla amshia ojang 50 shi nung zülüang:** 4
Ner teloki yanglutetba osettsüset ayoktsü atema shia osang kakat nung nüngdakbatem
ajak adokdakja zülüang.

Mesüra

- b. Ner telok nung na tezülur(secretary) . Ner lokti küm tatembang audit agitsü atema lokti
nübür nem metetdakja sangdong ka zülüang.

SHILEM – C (Orrlem)

4. **Agüja aliba nungi shitak telangzüba agüjang:**
- (a) Ojang amentepa tetezü adoka züluba mesüra jembiba dang_____ta ajar. 1
 - (i) oren (ii) ojang
 - (iii) zülüjang (iv) zülumen
 - (b) Ka yim nung züngdangba dang _____ züngdangba ta ajar. 1
 - (i) Tarep (ii) Jendi
 - (iii) Karsa (iv) Tongjala
 - (c) Amilem ya _____ den aor. 1
 - (i) Karsa (ii) Züngdangba
 - (iii) Pukhümna (iv) Meyongja
 - (d) Ana dak tema züngdangba dang _____ züngdangba ta ajar. 1
 - (i) Jendi (ii) tongjala
 - (iii) Karsa (iv) Tarep
 - (e) Ojang ka kobai nisung, shiruru aser osetlongset terenyim telemsa indang rasaa
ashir iba dang_____ ta ajar. 1
 - (i) Tongjala (ii) Orenlem
 - (iii) Zülüjang (iv) Amilem

5. **Item koba orenlem nung aden rateta zülüang.**
- (a) Na kolen nungi aru? 1
 - (b) Anü sentsüprang ya koda tulu! 1

6. **Item oren karsa leni meyipang.**
- (a) Idakji nisung ka noktaka lir. 1
 - (b) Tanur ka menden nung mena lir. 1

7. **Itemi kobala amilem nungsa densema ali teputep tenüngja agüjang.**
- (a) Parnok ilen jagi aotsü. 1
 (b) Nai ashiba olen ya shitak lir. 1
8. **Item oren nung koba ojang shitak shimteta züluang.**
- (a) Ni senpet aika (ango/angu). 1
 (b) La (temulung/temolung) kanga tesatok. 1
 (c) Pa (soro/soru) majung. 1
9. Orrlem teratet shiang? 1
10. **Ao oshi agi meyipang.**
- (a) There are four weeks in a month. 1
 (b) Do you study everyday? 1
 (c) The vehicle arrived late. 1
 (d) Love never gives up. 1
 (e) I did it ! 1

SHILEM – D
(Otsü aser Sangro)

11. **Agüja aliba nungi shitak telangzüba shimteta langzüang:**
- (a) _____ yimya ya meimchir dak aketba yimya tajung rongnung ka lir. 1
 (i) Wainshin (ii) Awashi
 (iii) Tesangra (iv) Saksalem
- (b) Kong awashi maparen inyakba ajema lidir, Yangji _____ ajema alitsü. 1
 (i) Terunem (ii) Tepela
 (iii) Tejashi (iv) Raratep
- (c) Aori _____ makai tsüngrem mekülem. 1
 (i) Anembong (ii) Asüngteta
 (iii) Memerüki (iv) Memeshiba
- (d) Ni kü lima bilemtetdang _____ jeta rongjener. 1
 (i) Tanela (ii) Temulungjang
 (iii) Nüktzü (iv) Mulungsentsü
- (e) Linük jongkok apong dang senti _____ laluba. 1
 (i) Rongsen (ii) Nübu
 (iii) Taküm (iv) Oset

Item tasüngdangbatem ojang 20-25 tashi nung langzüang:

12. Ternemjem awashiji kechi dang ajar? 2
 13. Yimya tamajung mangazüktsü atema nai kechisa inyaktsüla? 2
 14. School nung mapang shitak mamshiba takoksatemji kechisa? 2
 15. Nisungi kechi nungsa külemtsü akok? Tekülemdakji koma tongtibang? 2
 16. Lai ayimten, “Temerar ki zükror shisang”
 Iba oren ya shibai shiba dang ashiba lir? 2
 17. Burma yimli raktepdang nisung kwi asü? Iba lima kechi aküm? 1+1=2

Item tasüngdangbatem ojang 40-50 tashi nung langzüang:

18. a. Lanurtemi tsürabur matsüngdang awashi koma benshitsüla? 4
Mesüra
 b. Kibongji awashi tzüpokdak tajungtiba ta kuli 4 agüjang?

- 19 *“Ozü neburtemi na mesenmetuaka,
Ochinaro, nai tetoktsüma özü lima”*
- (i) Iba oren ya koba sangro nungi? 1
- (ii) Shibai Zülü? 1
- (iii) Sangro züluri kechiba yamai mephishir? 2
- Item tasüngdangbatem ojang 60-90 tashi nung langzüang:**
20. a. Komala nisungi awashi mapa meinyaktetsü aser kechiba? 5
- Mesüra**
- b. Kechiba kaket rijuji awashi angazükdak tajungtiba ta züngshir? Kuli 5 agüjang.
21. *Pa yongbangtzü nung tzüsena
Pa osü nung süngzüker,
Pa ronem rongnungji alitsü
Ni teti yongyaseter.*
- (i) Kechi sangro nungi? 1
- (ii) Sangro mejemer shiba? 1
- (iii) Iba tekong jagi kechi ashir rasaa shiang? 3
22. a. Tasü yipten nungjagi jalai yamai aten:
*“Avi jaro jebroa,akiümlidong kola
machayang,netsa nila süngyang kümükü
Tewaroka!...”*
- (i) Kechi sangro nungi? 1
- (ii) Sangro mejemer shiba? 1
- (iii) Iba oren ya rasaa zülüang. 3
- Mesüra**
- b. *Ozü Ao tenem nungi
Akhang, Ao semersanger
Par Engraji pukhümi
Ozü ongtrok putisü
Ulutsü mesasa
Yok,wabong tejung tesa*
- (i) Kechi sangro nungi? (1)
- (ii) Sangro mejemer shiba? (1)
- (iii) Iba tekong ya tatsü agi ratetjang. (3)
